

**ԿԱԹՈՂԻԿՈՍԱԿԱՆ ԸՆԴՀԱՆՈՒՐ ՓՈԽԱՆՈՐԴ
Տ. ԳԱՐԵԳԻՆ ԱՐԲԵՊԻՍԿՈՊՈՍ ՆԵՐՍԻՍՅԱՆԻ ԽՈՍՔԸ
ՍԻԼՎԱ ԿԱՊՈՒՏԻԿՅԱՆԻ ԾՆՆԴՅԱՆ 80-ԱՄՅԱԿԻ ԱՌԻԹՈՎ
ԱԶԳԱՅԻՆ ՕՊԵՐԱՅԻ ԵՎ ԲԱԼԵՏԻ ԹԱՏՐՈՆԻ ԴԱՀԼԻՃՈՒՄ
ԿԱԶՄԱԿԵՐՊՎԱԾ ՀԱՆԴԻՍՈՒԹՅԱՆ ԺԱՄՆԱԿԻ**

(19 ապրիլ, 1999 թ.)

Մեծագնիվ հոբելյար.

Հարգարժան մերկաներ.

Հանուն Վեհափառ Հայրապետի. Մայր Աթոռ Սուրբ Էջմիածնի միաբանության և հավատացյալների հաճելի պարտականությունն ունենք ջերմորեն ողջունելու հոբելյանական այս հանդիսության բոլոր մասնակիցներին և օրհնություն ու քարեմաղթանքներ բերելու սիրելի հոբելյարին՝ հայ մեծանուն և վաստակաբեռն բանաստեղծուհի տիկին Միլվա Կապուտիկյանին:

Դժվար է ճանաչում ձեռք բերելը, առավել դժվար՝ գնահատված ու սիրված լինելը: Համընդհանուր ճանաչումն ու սերը անխուսափելիորեն գալիս են, երբ ձեռաց գործերում, հոգու և մտքի արարումներում կիզակնիտվում են հայրենի երկրի և ժողովրդի ձեռքբերումներն ու կորուստները, սլացքներն ու սպասումները, քացահայտվում է մարդն իր ներաշխարհով: Այսպիսին է Միլվա Կապուտիկյանի ստեղծագործական կյանքի պատկերագիրը՝ մրա գրական, հրապարակախոսական, թարգմանական երկարամյա և բեղուն ժառանգությունը, որն առանձնահատուկ է պարտքի և պատասխանատվության ընդգծված ապրումով, և որում տեսանելի է Հայրենիքի ու աշխարհասփյուռ հայության կշռույթներով ապրող պարտավորված անհատը:

Մևակ, Շիրազ, Դավթյան, Էմին, Մաթևոսյան և թանկագին ուրիշ անուններ... Եվ այս շարքում՝ Միլվա Կապուտիկյան. գրչի ու մտքի մշակներ, ովքեր իրենց ստեղծագործական երկունքներում տասնամյակներ շարունակ փայփայում էին հայոց անկախության Մանկանը, կորուսյալ պետականության վերածննդի միջնակայան երազը: Արդարև, երանյալ եք Դուք, մեծարգո հոբելյար, քանզի տեսաք հայոց անկախությունը, և երիցս երանյալ, որ ինքնիշխան մեր պետությունն ու ժողովուրդն այսօր մեծարում են Ձեզ՝ վաստակյալ Ձեր կյանքին ընծայելով հաղթության դափնիներ:

Հայաստանյայց Առաքելական Սուրբ Եկեղեցին, նրա արժանըմտիք գահակալ Գարեգին Ա Վեհափառ Հայրապետը, քարձր գնահատելով հավատավոր իր դստեր՝ Միլվա Կապուտիկյանի վաստակը և հայադրյուն ոգին, որ աստվածամերձ ժամանակներում առաջնորդում էր նրան դեպի Մայր Աթոռ

Սուրբ Էջմիածին, պարգևատրել է Ամենայն Հայոց Հայրապետության բարձր՝ «Ս. Սահակ-Ս. Մեսրոպ» շքանշանով:

Մեծագնիվ հոբելյար, ուրախ ենք հայտնելու, որ շքանշանը և Հայրապետական օրհնագիրը Ձեզ կհանձնեն Մայր Աթոռում, հատուկ հանդիսավորությամբ:

Կրկին մեր շնորհավորանքները բերելով Ձեզ, աղոթքով առ Բարին Աստված, մաղթում ենք ստեղծագործական մորամոր մերշնչանքներ և լիազգաց երջանկության բազում առիթներ: Թող Ձեր գրչով փառաբանված աստվածապարզ մեր հոգում իրական դառնան իղձերն ու երազները մեր ժողովրդի: Թող ամենուր «խոսք իմ որդուն» պատգամը հարատև արձագանքի հայ մանուկների մաքուր ու վճիտ հոգիներում՝ սրբաբանվելով նրանց շուրթերին:

Արևշատ կյանք Ձեզ, մոր հոբելյաններ:

Օրհնությամբ՝

ՊԱՐԵՔԻՆ ԱՐՔԵՊԻՍԿՈՊՈՍ ՆԵՐՍԻՍՅԱՆ

Կարողիկոսական Ընդհանուր Փոխանորդ